

**KANTONALNA JAVNA USTANOVA ZA ZAŠTIĆENA PRIRODNA PODRUČJA  
KOMISIJA ZA PROVOĐENJE PROCEDURE  
PRIJEMA U RADNI ODNOS NA ODREĐENO  
VRIJEME U KANTONALNOJ JAVNOJ  
USTANOVI ZA ZAŠTIĆENA PRIRODNA PODRUČJA**

**U Sarajevu, 25.12.2025. godine**

**n/r Direktora**

PREDMET: Poslovnik o radu Komisije za provođenje procedure prijema radnika u radni odnos na određeno vrijeme u trajanju do godinu dana u Kantonalnoj javnoj ustanovi za zaštićena prirodna područja

U skladu sa članom 8. stav (8) Uredbe o postupku prijema u radni odnos u javnom sektoru na teritoriji Kantona Sarajevo („Sl. novine Kantona Sarajevo“, br.19/21, 10/22, 28/23 i 32/24), direktoru KJU za zaštićena prirodna područja kao ovlaštenom licu Poslodavca se dostavlja na nadležnost i dalju proceduru Poslovnik o radu Komisije za provođenje procedure prijema radnika u radni odnos na određeno vrijeme u trajanju do godinu dana u Kantonalnoj javnoj ustanovi za zaštićena prirodna područja koje je Komisija usvojila na nastavku prvog sastanka koji je održan dana 25.12.2025. godine.

S poštovanjem,

Prilog:

- kao u tekstu

  
**Predsjednik Komisije**

**KANTONALNA JAVNA USTANOVA ZA ZAŠTIĆENA PRIRODNA PODRUČJA  
KOMISIJA ZA PROVOĐENJE PROCEDURE  
PRIJEMA U RADNI ODNOS NA ODREĐENO  
VRIJEME U TRAJANJU DO GODINU DANA U KANTONALNOJ JAVNOJ  
USTANOVI ZA ZAŠTIĆENA PRIRODNA PODRUČJA**

**POSLOVNIK O RADU  
KOMISIJE ZA PROVOĐENJE PROCEDURE PRIJEMA RADNIKA U RADNI  
ODNOS NA ODREĐENO VRIJEME  
U TRAJANJU DO GODINU U KANTONALNOJ JAVNOJ USTANOVI ZA  
ZAŠTIĆENA PRIRODNA PODRUČJA**

Sarajevo, decembar 2025. godine

U skladu sa članom 8. stav (8) Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“ br. 19/21, 10/22, 28/23 i 32/24) i člana 4. Odluke o imenovanju Komisije za provođenje procedure prijema u radni odnos na određeno vrijeme u trajanju do godinu dana broj:03-955/25 od 21.11.2025. godine, Komisija imenovana Odlukom direktora Kantonalne javne ustanove za zaštićena prirodna područja u okviru svojih ovlaštenja na prvom sastanku održanom dana 25.12. 2025. godine donijela je

**POSLOVNIK O RADU  
KOMISIJE ZA PROVOĐENJE PROCEDURE PRIJEMA RADNIKA U RADNI  
ODNOS NA ODREĐENO VRIJEME  
U TRAJANJU DO GODINU DANA U KANTONALNOJ JAVNOJ USTANOVI ZA  
ZAŠTIĆENA PRIRODNA PODRUČJA**

**I OPĆE ODREDBE**

**Član 1.**

(1) Poslovnikom o radu Komisije za provođenje procedure prijema radnika u radni odnos na određeno vrijeme u trajanju do godinu dana u Kantonalnoj javnoj ustanovi za zaštićena prirodna područja (u daljem tekstu: Poslovnik) uređuju se pitanja organizacije, načina rada i odlučivanja, načina provjere znanja kandidata, načina i kriterijuma ocjenjivanja kandidata Komisije za provođenje procedure prijema radnika u radni odnos na određeno vrijeme u Kantonalnoj javnoj ustanovi za zaštićena prirodna područja (u daljem tekstu: Komisija), kao i druga pitanja od značaja za pravilan i zakonit rad Komisije.

(2) Procedura prijema u radni odnos na određeno vrijeme u trajanju do godinu dana se provodi za slijedeća radna mjesta:

- |                                                                            |                   |
|----------------------------------------------------------------------------|-------------------|
| 1. Radnik na naplati ulaza u prostor Spomenika prirode “Vrelo Bosne” ..... | 2 (dva) izvršioca |
| 2. Radnik na održavanju zaštićenih područja PKV radnik .....               | 2 (dva) izvršioca |

**Član 2.**

Rad Komisije zasniva se na načelima zakonitosti, nezavisnosti, nepristrasnosti, objektivnosti, efikasnosti, javnosti i izbjegavanja sukoba interesa.

**Član 3.**

Predsjednik, članovi i sekretar Komisije, na konstituirajućoj sjednici, potpisuju Izjavu o nepristrasnosti, povjerljivosti i nepostojanju sukoba interesa kojom potvrđuju da su upoznati s obavezom da su tokom cijelog postupka rada u Komisiji dužni prijaviti sukob interesa i tražiti izuzeće iz rada Komisije, iz razloga propisanih u članu 10. stav (1) Uredbe o postupku prijema u radni odnos u javnom sektoru na teritoriji Kantona Sarajevo.

**Član 4.**

Komisija provodi postupak izbora kandidata u skladu s odredbama Zakona o radu Federacije Bosne i Hercegovine („Službene novine Federacije BiH“ br. 26/16, 89/18 22/44 i 39/24), Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“ br. 19/21, 10/22, 28/23 i 32/24) i Pravilnika o radu Kantonalne javne ustanove za zaštićena prirodna područja sa pripadajućim izmjenama i dopunama.



## **II SASTAV KOMISIJE, PRAVA I OBAVEZE ČLANOVA KOMISIJE**

### **Član 5.**

- (1) Komisiju za provođenje procedure prijema u radni odnos na određeno vrijeme u trajanju do godinu dana imenuje direktor Kantonalne javne ustanove za zaštićena prirodna područja (u daljem tekstu: Poslodavac).
- (2) Komisija broji 3 (tri) člana koji se imenuju iz reda zaposlenih kod Poslodavca.
- (3) Članovi Komisije moraju imati najmanje isti stepen stručne spreme kao i kandidati za čiji je prijem u radni odnos objavljen Javni oglas.
- (3) Administrativno-tehničke poslove za Komisiju obavlja sekretar Komisije koga Odlukom imenuje Poslodavac i zaposlen je kod Poslodavca.
- (4) Komisija se imenuje za period od donošenja odluke o prijemu u radni odnos radnika na određeno vrijeme u trajanju do godinu danado završetka svih aktivnosti po raspisanom Javnom oglasu.

### **Član 6.**

- (1) Komisija je samostalna u svom radu i odlučivanju, a poslove iz djelokruga svog rada obavlja u skladu sa Uredbom o postupku prijema u radni odnos u javnom sektoru na teritoriji Kantona Sarajevo.
- (2) Komisija obavezno radi u punom sastavu, te odlučuje o svim pitanjima iz svoje nadležnosti većinom glasova.

### **Član 7.**

- (1) Sastanci Komisije se održavaju se u okviru radnog vremena u skladu sa Zaključkom Vlade Kantona Sarajevo broj: 02-04-41569-18/25 od 04.08.2025. godine.
- (2) Predsjednik Komisije predstavlja Komisiju, saziva i predsjedava sastancima Komisije, stara se o primjeni ovog poslovnika.
- (3) Članovi Komisije su dužni da prisustvuju sastancima Komisije.
- (4) Na sastancima Komisije vode se zapisnici.
- (5) Zapisnike potpisuju predsjednik, članovi Komisije i sekretar Komisije.
- (6) Komisija na prvoj konstituirajućoj sjednici usvaja Poslovnik o radu, te utvrđuje listu pitanja, listu propisa i literature iz oblasti iz kojih će se polagati pismeni i usmeni dio ispita, te vrši analizu prijedloga teksta javnog oglasa.

### **Član 8.**

- (1) Član Komisije će odmah ili najkasnije dva dana od dana saznanja za razloge izuzeća u skladu sa članom 10. stav (1) Uredbe o postupku prijema u radni odnos u javnom sektoru na teritoriji Kantona Sarajevo zatražiti izuzeće u Komisiji, odnosno ukoliko je srodnik nekog od prijavljenih kandidata u pravoj ili pobočnoj liniji do četvrtog stepena, bračni ili vanbračni partner, usvojilac ili usvojenik, zatražiti izuzeće od rada u Komisiji.
- (2) O zahtjevu za izuzeće iz stava (1) ovog člana Poslodavac donosi odluku najkasnije u roku od 3 (tri) dana od dana podnošenja zahtjeva, a protiv ove odluke žalba nije dopuštena.

### **Član 9.**

Ukoliko je predsjednik ili neki od članova Komisije trajno ili u dužem vremenskom periodu spriječen da vrši svoju dužnost podnesi ostavku na svoje članstvo u Komisiji, predsjednik ili jedan od članova Komisije odmah obavještavaju Poslodavca radi imenovanja novog člana na tu dužnost.

#### **IV –SADRŽAJ JAVNOG OGLASA**

##### **Član 10.**

Javni oglas sadrži slijedeće podatke:

- a) naziv, sjedište i internet-adresu Poslodavca;
- b) naziv radnih mjesta i opis poslova, te potrebne uslove iz važećeg pravilnika sa pripadajućim izmjenama i dopunama istog kojim se reguliše sistematizacija radnih mjesta;
- c) prednost u zapošljavanju po posebnim propisima;
- d) naznaku o tome da se radi o zapošljavanju na određeno vrijeme u trajanju do godinu dana;
- e) naznaku o trajanju probnog rada;
- f) mjesto obavljanja rada i radno vrijeme;
- g) iznos osnovne plaće;
- h) rok za prijavu;
- i) telefon kontakt-osobe zadužene za davanje dodatnih obavještenja;
- j) adresu na koju se prijave podnose;
- k) dokumentaciju koja se podnosi uz prijavu;
- l) način predaje dokumentacije.

(2) Javni oglas mora da sadrži i obavještenje da kandidati mogu kod poslodavca preuzeti pitanja za pismeni i usmeni ispit kao i listu propisa i literature iz oblasti iz koje će se polagati pismeni i usmeni ispit, a koji moraju biti prilagođeni radnim mjestima koja se oglašavaju.

(3) Pitanja za pismeni ispit moraju biti ponuđena na način da imaju više odgovora od kojih je samo jedan tačan.

(4) Pitanja, listu propisa i literature iz oblasti iz koje će se polagati na pismenom i usmenom ispitu Poslodavac utvrđuje i objavljuje na svojoj web stranici [www.zppks.ba](http://www.zppks.ba) prije raspisivanja Javnog oglasa.

#### **V – POSTUPANJE PO PRIJAVAMA**

##### **Član 11.**

Nakon proteka roka za dostavljanje prijava Komisija na sastanku otvara pristigle prijave po radnim mjestima koji su predmet javnog oglasa.

##### **Član 12.**

(1) Po isteku roka za podnošenje prijava na Javni oglas, Komisija pregleda sve pristigle prijave i dostavljene dokaze, utvrđuje njihovu ispravnost i sastavlja spisak kandidata među kojima se provodi izborni postupak.

(2) Spisak kandidata iz stava (1) ovog člana potpisuju svi članovi Komisije.

(3) Komisija pisanim putem obavještava kandidate čija dokumentacija nije ispravna (neblagovremene, nepotpisane, neuredne ili nepotpune prijave) da nisu na spisku kandidata među kojima se provodi izborni postupak. U obavještenju se navode razlozi neispravnosti dokumentacije uz mogućnost uvida u dostavljenu dokumentaciju u roku od 3 (tri) dana od dana prijema obavijesti.

(4) Kandidati koji dostave blagovremene, potpune i uredne prijave će polagati ispit koji se sastoji pismenog i usmenog ispita za radno mjesto radnik na naplati ulaza u područje Spomenika prirode „Vrelo Bosne“, kao i usmenog ispita za radno mjesto radnik na održavanju zaštićenih područja PKV radnik.

(5) O datumu, vremenu i mjestu polaganja ispita će se kandidati koji uđu u uži izbor naknadno obavijestiti pisanim putem (mail, web).



## VI POSTUPAK IZBORA KANDIDATA

### Član 13.

Komisija provodi pismeni i usmeni ispit za radno mjesto radnik na naplati ulaza u područje Spomenika prirode „Vrelo Bosne“ s kandidatima koji imaju formalno pravno potpunu, ispravnu i urednu dokumentaciju.

Komisija provodi samo usmeni ispit za radno mjesto radnik na održavanju zaštićenih područja PKV radnik, s kandidatima koji imaju formalno pravno potpunu, ispravnu i urednu dokumentaciju.

### Član 14.

Provjera znanja vršit će se iz oblasti po radnim mjestima kako slijedi:

| R.b | Naziv radnog mjesta                                                | Oblast                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
|-----|--------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.  | Radnik na naplati ulaza u područje Spomenika prirode „Vrelo Bosne“ | Zakon o ustanovama (“Službeni list RBiH”, br. 6/92, 8/93 i 13/94);<br>Zakon o fiskalnim sistemima („Službene novine Federacije BiH“, broj: 81/09)<br>Pravilnik o fiskalnim dokumentima (“Službene novine Federacije BiH”, br. 50/20, 92/20 i 28/21);<br>Pravilnik o fiskalnim sistemima (“Službene novine Federacije BiH”, br. 50/20, 92/20 i 28/21);<br>Pravilnik o postupcima fiskalizacije (“Službene novine F BiH”, broj 50 /20, 92/20, 28/21);<br>Zakon o proglašenju Spomenika prirode „Vrelo Bosne“ („Službene novine Kantona Sarajevo“, broj 6/10- Prečišćeni tekst);<br>Odluka o osnivanju Kantonalne javne ustanove za zaštićena prirodna područja („Službene novine Kantona Sarajevo“, broj 31/17);<br>Uredba o utvrđivanju vlastitih prihoda, načina i rokova raspodjele („Službene novine Kantona Sarajevo“, broj 51/16);<br>Pravilnik o o vrstama vlastitih javnih prihoda Kantonalne javne ustanove za zaštićena prirodna područja broj 01-961/23 od 07.11.2023. godine. |
| 2.  | Radnik na održavanju zaštićenih prirodnih područja PKV radnik      | Zakon o ustanovama (“Službeni list RBiH”, br. 6/92, 8/93 i 13/94);<br>Zakon o zaštiti od požara i vatrogastvu („Sl. novine Federacije BiH“, broj 64/09 i 71/25)<br>Zakon o upravljanju otpadom („Sl. novine Federacije BiH“, broj 33/03 i 22/09);<br>Zakon o zaštiti na radu („Službene novine Federacije BiH“, broj 79/20);<br>Uredba o selektivnom prikupljanju, pakovanju i označavanju otpada (Službene novine Federacije BiH“, broj 38/06);<br>Odluka o osnivanju Kantonalne javne ustanove za zaštićena prirodna područja („Službene novine Kantona Sarajevo“, broj 31/17);<br>Zakon o šumama („Službene novine Kantona Sarajevo“, br 5/13, 10/21 i 19/22);<br>Pravilnik o zaštiti od požara broj 243/11 od 29.04.2011. godine;<br>Pravilnik o načinu obavljanja obavezne dezinfekcije, dezinsekcije i deratizacije („Službene novine Federacije BiH“, broj 30/16).<br>Operativno-tehnički plan gašenja požara za 2025. godinu broj 01-136/25 od 18.04.2025.godine                |

### Član 15.

- (1) Postupak izbora kandidata za radna mjesta će se provoditi u skladu sa čl. 12. i 13. Poslovnika.
- (2) Komisija će o datumu, vremenu i mjestu polaganja pismenog i usmenog dijela ispita kandidate obavijestiti pisanim putem (putem weba i maila), te provjeriti telefonskim putem.

### Član 16.

- (1) Za radno mjesto **radnik na naplati ulaza u područje Spomenika prirode „Vrelo Bosne“** pismeni dio ispita se provodi putem testa koji priprema Komisija.
- (2) Ispitna pitanja na pismenom ispitu su istovjetna za sve kandidate koji se prijavljuju na istu poziciju.
- (3) Pismeni ispit se polaže na način da kandidati rješavaju test koji se sastoji od 16 pitanja, za koja je ponuđeno više odgovora (a), (b) i/ili (c) od kojih samo jedan ponuđeni odgovor može biti tačan.
- (4) Lista pitanja, literature i oblasti za pismeni ispit se utvrđuje Zaključkom Komisije i postavlja se na web stranicu Poslodavca [www.zppks.ba](http://www.zppks.ba) u skladu sa članom 11. stav (4) Poslovnika.
- (5) Pismeni ispit se vrednuje sa najmanje 64% od ukupnog broja bodova.
- (6) Pismeni ispit sa kandidatima traje maksimalno 45 minuta.
- (7) Pitanja za pismeni ispit Komisija sastavlja najmanje 24 sata prije započinjanja testa, umnožava u dovoljnom broju primjeraka i pohranjuje u kovertu koje osigurava potpisima komisije na koverti i sve stavlja u sef pod ključ.
- (8) Svaki kandidat koji nije zadovoljan ostvarenim brojem bodova na pismenom ispitu ima pravo na uvid u svoj rad odmah nakon objave na web stranici pa do početka usmenog ispita.
- (9) Uvid iz stava (8) ovog člana će se izvršiti uz prisustvo najmanje dva člana Komisije i sekretara.
- (10) Aktivnosti vezane za uvid će se konstatovati službenom zabilješkom koju potpisuju prisutni član/ovi Komisije, kandidat koji je izvršio uvid koja će biti sastavni dio zapisnika.
- (11) Ukoliko se u ponovnom pregledu i preispitivanju formalno pravne ispravnosti prijave i priložene dokumentacije utvrdi da je prijava kandidata formalno-pravno ispravna, ista će se uvrstiti u dalji proces izbora.

### Član 17.

- (1) Na usmenom ispitu za radno mjesto radnik na naplati ulaza u područje Spomenika prirode „Vrelo Bosne“ pitanja mogu postavljati svi članovi Komisije po principu postavljanja pitanja sa liste pitanja koje se odnose na usmeni dio testa i nalaze se na web stranici Poslodavca, zatim komentarisanja određenih situacija i događaja, a sve u vezi predviđenog radnog mjesta za koji se raspisuje Javni oglas, motiviranost kandidata za radni angažman, kulturu ophođenja i sticanje općeg dojma o kandidatu.
- (2) Komisija u toku usmenog dijela ispita može postavljati potpitanja kojima se razrađuje odgovor kandidata na pitanje.
- (3) Na usmenom ispitu se neće postavljati pitanja koja se na bilo koji način odnose na etničku pripadnost, nacionalno ili socijalno porijeklo, državljanstvo, religiju i religijska uvjerenja, veze s nacionalnom manjinom, politička i druga uvjerenja, rasu, boju kože, rođenje, bračni status i sl.
- (4) Lista pitanja, literature i oblasti za usmeni ispit se utvrđuje Zaključkom Komisije i postavlja se na web stranicu Poslodavca [www.zppks.ba](http://www.zppks.ba) u skladu sa članom 11. stav (4) Poslovnika.
- (5) Usmeni ispit traje maksimalno 25 minuta.



### **Član 18.**

- (1) Maksimalan broj ostvarenih bodova za radno mjesto radnik na naplati ulaza u područje Spomenika prirode „Vrelo Bosne“ na pismenom ispitu iznosi 64 bodova.
- (2) Maksimalan broj bodova na usmenom ispitu iznosi 36 bodova.
- (3) Maksimalan broj bodova za pismeni i usmeni ispit iznosi 100 bodova.
- (4) Bodovanje na pismenom ispitu:
  - Za svaki tačan odgovor na postavljeno pitanje na pismenom ispitu kandidat dobija 4 boda, a netačan 0 bodova.
  - Zbir bodova ostvarenih za tačan odgovor čini ukupan broj bodova ostvarenih na pismenom ispitu.
- (5) Bodovanje na usmenom ispitu se provodi na način da za odgovore na postavljena pitanja za radno mjesto radnik na naplati ulaza kandidat dobija maksimalno 36 bodova po postavljenim pitanjima na način da svaki član komisije ocjenjuje svaki ponuđeni odgovor na svako postavljeno pitanje.
- (6) Na usmenom ispitu svaki kandidat odgovara na tri pitanja.
- (7) Maksimalan broj po jednom postavljenom pitanju na usmenom ispitu iznosi 12 bodova.
- (8) Svaki član komisije postavlja kandidatu po jedno pitanje na usmenom ispitu.
- (9) Nakon završenog pismenog i usmenog ispita, svaki član Komisije broj ostvarenih bodova upisuje u bodovnu listu kandidata.

### **Član 19.**

- (1) Za radno mjesto radnik na održavanju zaštićenih prirodnih područja PKV radnik se provodi samo usmeni ispit.
- (2) Ispitna pitanja na usmenom ispitu su istovjetna za sve kandidate koji se prijavljuju na poziciju radnik na održavanju zaštićenih prirodnih područja PKV radnik.
- (3) Lista pitanja, literature i oblasti za usmeni ispit se utvrđuje Zaključkom Komisije i postavlja se na web stranicu Poslodavca [www.zppks.ba](http://www.zppks.ba) u skladu sa članom 11. stav (4) Poslovnika.
- (4) Usmeni ispit sa kandidatima traje maksimalno 25 minuta.

### **Član 20.**

- (1) Maksimalan broj bodova za radno mjesto radnik na održavanju zaštićenih prirodnih područja PKV radnik na usmenom ispitu iznosi 36 bodova.
- (2) Bodovanje na usmenom ispitu se provodi na način da za odgovore na postavljena pitanja za radno mjesto PKV radnik kandidat dobija maksimalno 36 bodova po postavljenim pitanjima na način da svaki član komisije ocjenjuje svaki ponuđeni odgovor na svako postavljeno pitanje.
- (3) Na usmenom ispitu svaki kandidat odgovara na tri postavljena pitanja od strane svakog člana komisije.
- (4) Maksimalan broj bodova po jednom postavljenom pitanju na usmenom ispitu iznosi 12 bodova.
- (5) Svaki član komisije postavlja kandidatu po jedno pitanje na usmenom ispitu.
- (6) Nakon završenog pismenog usmenog ispita, svaki član Komisije broj ostvarenih bodova upisuje u bodovnu listu kandidata.

## **VII- PRIORITET/PREDNOST PRI ZAPOSŁJAVANJU**

### **Član 21.**

- (1) Kandidat na koji se primjenjuje Zakon o dopunskim pravima boraca – branitelja Bosne i Hercegovine („Službene novine Kantona Sarajevo“, broj 31/22, 8/24 i 13/25), Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, br. 37/20 i 27/21) i Instrukciji o bližoj primjeni kriterija vrednovanja



prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 38/20 i 28/21), imaju prednost prilikom zapošljavanja.

(2) Pod braniocima i članovima njihovih porodica podrazumijevaju se lica iz člana 2. Zakona o dopunskim pravima boraca-branitelja Bosne i Hercegovine bez obzira na godine života dok su u skladu sa propisima iz oblasti radnih odnosa sposobni za rad.

(3) Prednost pri zapošljavanju ostvaruju: članovi porodica šehida/poginulih, umrlih i nestalih boraca prvenstveno djeca, ratni vojni invalidi i njihova djeca, djeca umrlih ratnih vojnih invalida, dobitnik ratnih priznanja i odlikovanja i njegova djeca i djeca poginulih, umrlih i nestalih dobitnika ratnog priznanja i odlikovanja, branilac, demobilisani borac i njegova djeca, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo.

(4) U skladu s Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo, u svrhu dokazivanja pripadnosti datoj kategoriji potrebno je dostaviti:

| R/b | Pripadnost branilačkoj kategoriji                                                                               | Naziv dokaza - dokumenta                                                                                                                                                                                                                                                                       | Organ koji ga izdaje                                                                                                                    |
|-----|-----------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------|
| 1   | Član porodice šehida/poginulog, umrlog i nestalog branioca                                                      | - Uvjerenje o statusu djeteta šehida - poginulog, umrlog i nestalog branioca<br>- Rješenje o priznatom pravu na porodičnu invalidninu za suprugu šehida - poginulog, umrlog i nestalog branioca<br><br>- Uvjerenje o učešću u Oružanim snagama za šehida-poginulog, umrlog i nestalog branioca | Općinska služba za boračko-invalidsku zaštitu<br><br>Grupa za pitanja evidencija iz oblasti vojne obaveze prema mjestu prebivališta     |
| 2   | Ratni vojni invalid                                                                                             | Rješenje o priznatom svojstvu ratnog vojnog invalida                                                                                                                                                                                                                                           | Općinska služba za boračko-invalidsku zaštitu                                                                                           |
| 3.  | Dobitnik ratnog priznanja i odlikovanja                                                                         | Rješenje o priznatom pravu na mjesečno novčano primanje dobitniku priznanja                                                                                                                                                                                                                    | Općinska služba za boračko-invalidsku zaštitu                                                                                           |
| 4   | Demobilizirani branioi i demobilizirani branioi dobrovoljci                                                     | Uvjerenje o učešću u Oružanim snagama                                                                                                                                                                                                                                                          | Grupa za pitanja evidencija iz oblasti vojne obaveze prema mjestu prebivališta                                                          |
| 5   | Dijete:<br>a) ratnog vojnog invalida<br>b) dobitnika ratnog priznanja i odlikovanja<br>c) demobiliziranog borca | Uvjerenje o statusu djeteta ratnog vojnog invalida - Rješenje o priznatom pravu na:<br>a) invalidninu<br>b) mjesečni novčani dodatak<br>c) uvjerenje o učešću u Oružanim snagama                                                                                                               | a) i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta |
| 6.  | Supruge ratnih vojnih invalida                                                                                  | Uvjerenje o statusu supruge ratnog vojnog invalida - Rješenje o priznatom pravu na:<br>a) invalidninu<br>b) mjesečni novčani dodatak<br>c) uvjerenje o učešću u Oružanim snagama<br>- dokaz o bračnoj zajednici s ratnim vojnim invalidom                                                      | Općinska služba za boračko-invalidsku zaštitu                                                                                           |

(5) Naprijed navedena lica imaju pravo na prvenstvo pri zapošljavanju, a na evidenciji su JU „Služba za zapošljavanje Kantona Sarajevo“ ili su zaposlena sa nižom stručnom spremom od one koju posjeduju ili su zaposlena na određeno vrijeme.

(6) Osim navedenih kategorija korisnika prava koji ostvaruju prednost prilikom zapošljavanja u skladu sa Uredbom o izmjenama i dopunama Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 27/21), obuhvaćena je i kategorija supruge ratnih vojnih invalida

Radi ostvarivanja prava prioriteta pri zapošljavanju kandidati trebaju dostaviti:

- dokaz o statusu korisnika prava po Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“ br. 37/20);
- CIPS prijavnica koji imaju prijavljeno prebivalište/boravište za korisnike u Kantonu Sarajevo radi ostvarivanja prava po Uredbi.
- dokaz da su na evidenciji JU "Služba za zapošljavanje Kantona Sarajevo" – uvjerenje ne starije od datuma objavljivanja ovog Javnog oglasa;
- dokaz da su zaposleni na određeno vrijeme – potvrda/uvjerenje poslodavca kojim se dokazuje da je radni odnos zasnovan na određeno vrijeme ne starija od datuma objavljivanja ovog javnog oglasa;
- dokaz da je zaposlen sa nižom stručnom spremom sa jasnom naznakom stepena stručne sprema/zanimanja s kojom je radnik zasnovao radni odnos kod poslodavca ne starija od datuma objavljivanja ovog javnog oglasa.

## **VIII- LISTA USPJEŠNIH KANDIDATA**

### **Član 22.**

(1) Komisija nakon završenog pismenog i usmenog dijela ispita vrši sabiranje osvojenih bodova za svakog kandidata pojedinačno, te na osnovu utvrđenih rezultata i utvrđene prednosti po osnovu posebnih propisa, sačinjava Listu uspješnih kandidata.

(2) Komisija Listu uspješnih kandidata sa bodovima zajedno s potpisanim zapisnicima o radu Komisije dostavlja Poslodavcu u roku od 3 (tri) radna dana nakon obavljenog pismenog i usmenog ispita.

## **IX OBAVJEŠTENJE KANDIDATIMA I PRAVO PRIGOVORA**

### **Član 23.**

(1) Poslodavac pisano obavještava kandidate sa Liste uspješnih kandidata, te kandidate iz člana 13. stav (3) ovog poslovnika o odluci o prijemu u radni odnos u roku od 5 (pet) dana od dana donošenja odluke.

(2) Uz obavijest kandidatima se dostavlja Lista uspješnih kandidata.

(3) Na obavijest Poslodavca uz koju se dostavlja Lista uspješnih kandidata, zainteresovani kandidat ima pravo prigovora Upravnom odboru u roku od 8 (osam) dana od dana dostavljanja obavijesti.

(4) Upravni odbor rješava po prigovoru u roku od 15 dana.

(5) Odluka Upravnog odbora je konačna i protiv iste nezadovoljni kandidat ima pravo podnijeti tužbu nadležnom sudu u roku od 30 dana.

## **X ODLUKA O PRIJEMU U RADNI ODNOS**

### **Član 24.**

(1) Poslodavac prima u radni odnos onoga/one kandidata/kandidate koji se nalazi/nalaze na prvom mjestu/mjestima Liste uspješnih kandidata, a ako on/oni ne prihvati/prihvate zaposlenje, prima u radni odnos slijedećeg/ kandidata/kandidate sa Liste uspješnih kandidata.



(2) Poslodavac je dužan donijeti odluku o prijemu u radni odnos u roku od (tri) dana od dana prijema Liste uspješnih kandidata.

## **XI PONIŠTENJE JAVNOG OGLASA**

### **Član 25.**

(1) Poslodavac izuzetno može poništiti ovaj javni oglas samo u slučajevima koji su propisani u članu 17. stav (1) Uredbe o postupku prijema u radni odnos u javnom sektoru na teritoriji Kantona Sarajevo.

(2) Poslodavac je obavezan akt o poništenju javnog oglasa, u roku od tri dana od dana donošenja istog, objaviti na svojoj web stranici i na web stranici Službe za zapošljavanje Kantona Sarajevo i isti će ostati objavljen najkraće 15 dana.

## **XII OSTALE ODREDBE**

### **Član 26.**

(1) Ovaj poslovnik se dostavlja direktoru odmah, a najkasnije u roku od 3 (tri) radna dana od dana donošenja.

(2) Poslovnik je Poslodavac dužan učiniti dostupnim na web stranici Kantonalne javne ustanove za zaštićena prirodna područja [www.zppks.ba](http://www.zppks.ba) dan nakon objavljivanja javnog oglasa iz člana 6. stav (1) Uredbe.

(3) Javni oglas se objavljuje na web stranici i isti će se zadržavati sve do okončanja procedure po javnom oglasu i/ili donošenja odluke o prijemu u radni odnos.

(4) Na druga pitanja koja nisu definisana ovim poslovníkom primjenjivat će se Uredba o postupku prijema u radni odnos u javnom sektoru.

### **Član 27.**

Ovaj poslovnik stupa na snagu danom donošenja od strane Komisije.

Broj: 06-2-955-6/25

U Sarajevu, 25.12.2025. godine

KOM

Emir Kepeš, predsjednik

Asim Fazlić, član

Ismir Smajić, član